



Broj: 03-45-1-442-6-1/24  
Maglaj, 27.05.2024.godine

OPĆINSKO VIJEĆE MAGLAJ

Predmet: Prijedlog Odluke o Izmjenama i dopunama Statuta Općine Maglaj, dostavlja se,-

Uzimajući u obzir da je Vijeće na 36. redovnoj sjednici održanoj dana 28.03.2024.godine donijelo „Nacrt Odluke o prihvatanju Inicijative Općinskog načelnika o izmjeni i dopuni Statuta Općine Maglaj“, broj 02-04-1-506/24, gdje se članom 3. navedene Odluke zadužuju Općinske službe u čijoj nadležnosti se vrši primjena propisa za mjesne zajednice kao i donošenje odluke za iste, da pristupe provođenju javne rasprave za utvrđivanje konačnog prijedloga Odluke u roku od 90 dana računajući od dana usvajanja odluke, te shodno navedenom u prilogu vam dostavljamo Prijedlog Odluke o izmjenama i dopunama Statuta Općine Maglaj.

22  
Obradivač:  
Služba za boračko-invalidsku i socijalnu zaštitu  
Opću upravu i društvene djelatnosti

*[Handwritten signature]*



OPĆINSKI NAČELNIK  
Mirsad Mahmutagić

*[Handwritten signature]*





## PRIJEDLOG

Na osnovu člana 13. Zakona o principima lokalne samouprave („Službene novine Federacije BiH., broj:49/06), člana 120. i 121. Statuta Općine Maglaj-prečišćen tekst („Službene novine Općine Maglaj“, br. 08/07, 03/08 i 06/08), kao i Zaključka Općinskog vijeća Maglaj broj 02-04-1-523-2/24 od 28.03.2024.godine i Odluke Općinskog vijeća Maglaj broj 02-04-1-506/24 od 28.03.2024.godine, Općinsko vijeće Maglaj na \_\_\_\_ redovnoj sjednici održanoj dana \_\_\_\_\_ 2024.godine, donosi

### O D L U K U

o izmjenama i dopunama Statuta Općine Maglaj

#### Član 1.

##### (Predmet)

Ovom odlukom vrši se izmjena i dopuna Statuta Općine Maglaj u pogledu obrazovanja, izdvajanja i spajanja MZ-a na području općine Maglaj, definisano u poglavlju XI-MJESNA SAMOUPRAVA.

#### Član 2.

##### (Dopuna člana 91.)

U članu 91. Statuta Općine Maglaj prečišćen tekst („Službene novine Općine Maglaj“, br. 08/07, 03/08 i 06/08) dodaje stav3) i stav 4) koji glase :

„Mjesna zajednica osniva se na način i po postupku utvrđenim ovim Statutom i Statutom mjesne zajednice.

Odluku o osnivanju, spajanju i izdvajanju mjesnih zajednica donosi Općinsko vijeće na inicijativu Općinskog vijeća i Općinskog načelnika.“

#### Član 3.

##### (Dopuna člana 92.)

U član 92. alineja jedan iza riječi osnivanje stavlja se znak interpunkcije „ , “ i dodaju riječi: „ izdvajanje i spajanje“, a ostali dio teksta ostaje ne promjenjen.

U članu 92. stav (2) iza riječi osnivanje stavlja se znak interpunkcije „ , “ i dodaju riječi izdvajanje i spajanje ostali dio teksta ostaje ne promjenjen.

Postojeći stav (5) člana 92. briše se.

#### Član 4.

##### (Dopuna člana 93.)

U članu 93. dodaje se novi stav (3),(4) i (5) koji glase:

„Odluku o prihvatanju inicijative za osnivanje novih mjesnih zajednica usvaja se dvotrećinskom većinom glasova ukupnog broja izabranih vijećnika .

Izdvajanje dijela mjesne zajednice kao i spajanje mjesne zajednice sa drugom mjesnom zajednicom, odnosno spajanje mjesnih zajednica u cilju osnivanja nove mjesne zajednice vrši se na način utvrđen ovim Statutom.

Odluka iz prethodnog stava treba da sadrži elemente utvrđene zakonom.“

**Član 5.**  
**(dodavanje člana 93 a)**

Iza člana 93. dodaje se novi član 93 a, koji glasi:

„Ukoliko se utvrdi da postoji nemogućnost funkcionisanja mjesnih zajednica, kao i organizovanja i djelovanja građana naseljenih mjesta u mjesnim zajednicama kod kojih broj birača upisan u birački spisak prelazi 4000, te ukoliko postoje fizičke i prirodne prepreke koje mogu dovesti do nemogućnosti funkcionisanja mjesne zajednice, kao i postojanje nezainteresovanost djelovanja većine građana u naseljenim mjestima unutar MZ.-e radi efikasnijeg funkcionisanja i rada mjesnih zajednica inicijativu za izmjenom Odluke o osnivanju mjesne zajednice može podnijeti Općinskog vijeće ili Općinski načelnik.

Osim podataka o podnosiocu inicijative ili predlagača za osnivanje izdvajanje ili spajanje mjesne zajednice, prijedlog sadrži podatke o:

- nazivu i sjedištu mjesne zajednice
- područje naseljenog mjesta za koje se traži osnivanje mjesne zajednice i
- obrazložen razlog podnošenja prijedloga, odnosno inicijative.

Općinsko vijeće će u roku od 60 dana zauzeti stav o odluci o prihvaćanju inicijative, odnosno prijedloga za osnivanje, izdvajanje i spajanje mjesne zajednice.

Ako Općinsko vijeće prihvati inicijativu, odnosno prijedlog, zadužit će nadležnu Općinsku službu da pripremi prijedlog odluke o osnivanju, izdvajanju i spajanju mjesne zajednice. Odluka o osnivanju, izdvajanju i spajanju mjesne zajednice radi naprijed navedenih razloga sadrži: naziv naselja ili dijela naselja ili više povezanih naselja za koje se osniva, naziv mjesne zajednice, njeno sjedište i imenuje povjerenika koji u koordinaciji sa nadležnom općinskom službom organizuje izbor i imenovanje Vijeća mjesne zajednice i ostalih zakonskih obaveza koje mjesna zajednica treba da provede kako bi nesmetano funkcionisala.“

Svi ostli članovi Statuta općine Maglaj ostaju ne promjenjeni.

**Član 6.**  
**(Stupanje na snagu)**

Odluka stupa na snagu danom donošenja i objavit će se u „Službenim novinama Općine Maglaj“.

**Član 7.**  
**(Prečišćen tekst Statuta)**

Zadužuje se Služba općinskog vijeća i Općinskog načelnika da sačini Prečišćeni tekst Statuta Općine Maglaj

Prečišćen tekst Statuta objaviće se u Službenim novinama općine Maglaja primjenjuje se osmog dana po njegovom objavljivanju.

PREDSJEDAVAJUĆA  
Aida Bašić

## Obrazloženje

### I Pravni osnov:

Pravni osnov sadržan je u propisima koji regulišu pitanja izmjena i dopuna Statuta:

- član 13 Zakona o principima lokalne samouprave („Službene novine Federacije BiH,, broj:49/06),
  - Organ odlučivanja jedinice lokalne samouprave je općinsko vijeće u općini, a gradsko vijeće u gradu (u daljnjem tekstu: vijeće).
  - Vijeće u okviru svojih nadležnosti:
    - priprema i dvotrećinskom većinom glasova usvaja statut jedinice lokalne samouprave;
    - usvaja budžet i izvještaj o izvršenju budžeta jedinice lokalne samouprave;
    - donosi razvojne, prostorne i urbanističke planove i programe, te provedbene planove, uključujući zoniranje;
    - donosi propise o porezima, taksama, naknadama i doprinosima jedinice lokalne samouprave u skladu sa zakonom;
    - donosi odluke o upravljanju i raspolaganju imovinom jedinice lokalne samouprave;
    - donosi odluke o zaduživanju;
    - donosi programe uređenja građevinskog zemljišta;
    - donosi plan korištenja javnih površina;
    - donosi odluke o organizaciji mjesne samouprave i nazivima ulica, trgova i dijelova naseljenih mjesta;
    - donosi odluke o udruživanju jedinica lokalne samouprave u savez i druge oblike organiziranja;
    - donosi odluke o proglašenju praznika jedinice lokalne samouprave;
    - donosi odluke o nagradama i priznanjima jedinica lokalne samouprave;
    - bira i razrješava predsjedavajućeg i zamjenika predsjedavajućeg vijeća;
    - donosi odluke o raspisivanju referenduma;
    - razmatra godišnje izvještaje o provođenju politike jedinice lokalne samouprave i aktivnostima načelnika/ce;
    - osniva preduzeća i ustanove za obavljanje poslova od interesa za jedinicu lokalne samouprave;
    - donosi poslovnik o svom radu;
    - obavlja i druge poslove utvrđene zakonom i statutom.
- Članovi vijeća odgovaraju za ustavnost i zakonitost akata koje vijeće donosi u okviru svojih nadležnosti.

- člana 120. i 121. Statuta Općine Maglaj-prečišćen tekst („Službene novine Općine Maglaj“ br. 08/07, 03/08 i 06/08),
  - o Član 120. O prijedlogu za promjenu ovog Statuta raspravlja se na sjednici Vijeća. Vijeće može raspisati referendum za izjašnjavanje o prijedlogu za promjenu Statuta. Ako se ne prihvati prijedlog za promjenu Statuta, isti prijedlog ne može se ponovo staviti na dnevni red Vijeća prije isteka 6 mjeseci nakon što je rasprava o prijedlogu na Vijeću zaključena. Prihvaćeni prijedlog za promjenu Statuta dostavlja se svim vijećnicima Vijeća, mjesnim zajednicama, parlamentarnim strankama zastupljenim u Vijeću radi vođenja javne rasprave o predloženim promjenama i davanja primjedbi i prijedloga.
  - o Član 121. O izmjeni i dopuni Statuta Općinsko vijeće donosi Statutarnu odluku. Predlagač Statutarne odluke može predložiti izmjenu i dopunu Statuta radi usklađivanja Statuta sa zakonom, bez prethodne rasprave. Statut i Statutarna odluka donose se dvotrećinskom većinom svih glasova u općinskom vijeću Maglaj.

- Zaključka Općinskog vijeća Maglaj broj 02-04-1-523-2/24 od 28.03.2024.godine i Odluke Općinskog vijeća Maglaj broj 02-04-1-506/24 od 28.03.2024.godine

## **II. Razlozi za donošenje :**

Na osnovu pokrenute inicijative građana Općine Maglaj, radi osnivanja novih mjesnih zajednica koje bi zadovoljile njihove životne potrebe na lokalitetu življenja u Općini Maglaj iskazala se potreba za izmjenama temeljnog općinskog dokumenta u dijelu koji se odnosi na inicijative, obrazovanje i promjene naziva mjesnih zajednica.

Prilikom provođenja javne rasprave poseban osvrt se odnosi na članove 92. i 93. Statuta Općine Maglaj („Službene novine Općine Maglaj“ broj 08/07, 03/08 i 06/08).

Uzimajući u obzir da je Vijeće je 36. redovnoj sjednici održanoj dana 28.03.2024.godine donijelo „Nacrt Odluke o prihvatanju Inicijative Općinskog načelnika o izmjeni i dopuni Statuta Općine Maglaj“, broj 02-04-1-506/24, gdje se članom 3. navedene Odluke zadužuju Općinske službe u čijoj nadležnosti se vrši primjena propisa za mjesne zajednice kao i donošenje odluke za iste, da pristupe provođenju javne rasprave za utvrđivanje konačnog prijedloga Odluke u roku od 90 dana računajući od dana usvajanja odluke.

Služba za boračko-invalidsku i socijalnu zaštitu, opću upravu i društvene djelatnosti je zakazala Javnu raspravu po pitanju Nacrta Odluke o izmjeni i dopuni Statuta Općine Maglaj koja je održana dana 25.04.2024.godine sa početkom u 17,00 sati u Sali Općinskog vijeća Maglaj.

Aktom broj :

- 03-45-1-262-3/24 od 08.04.2024. godine sve mjesne zajednice na području općine Maglaj su upoznate o održavanju Javne rasprave (dostavnice uredno potpisane i vraćene nadležnoj službi kao dokaz o zaprimanju akta, sem MZ Bočinja čija koverta je vraćena gdje je navedeno da je imenovani u inostranstvu)
- 03-45-1-262-4/24 od 08.04.2024.godine sve parlamentarne političke partije na području općine Maglaj su upoznate o održavanju Javne rasprave (potvrda o slanju e-maila kao dokaz o zaprimanju akta)
- 03-45-1-262-5/24 od 08.04.2024.godine svi Vijećnici Općinskog vijeća Maglaj su upoznate o održavanju Javne rasprave (potvrda o slanju e-maila kao dokaz o zaprimanju akta)
- 03-45-1-262-5/24 od 08.04.2024.godine su građani sa područja općine Maglaj putem radio televizije Maglaj su upoznate o održavanju Javne rasprave (potvrda o slanju e-maila kao dokaz o zaprimanju akta, a pored navedenog u RTV Maglaj se nalazi i snimak objave datog obavještenja )

Također je u aktu u kojem se obavještava da će se održati navedena javna rasprava navedeno da svoje prijedloge mogu dostaviti i pismenim putem, a najkasnije do 15.05.2024.godine, kako bi nadležne općinske službe mogle dalje preduzeti zakonom propisane aktivnosti kako bi Odluku u vidu Prijedloga mogli dostaviti Općinskom vijeću na usvajanje.

Shodno navedenom, javna rasprava je održana dana 25.04.2024.godine sa početkom u 17,00 sati u Sali Općinskog vijeća Maglaj na kojoj je pored predstavnika službe bilo prisutno 6 građana naseljenog mjesta Stari grad, 1 građanin i 1 vijećnik.

Na javnoj raspravi su prisutni upoznati o razlozima pokretanje inicijative za izmjene i dopune Statuta Općine Maglaj i dat je prijedlog izmjene člana 92. i 93. Statuta Općine Maglaj, što su predstavnici naseljenog mjesta Stari grad podržali.

Pisenim putem svoj stav i mišljenje dostavila je OO SDA Maglaj.

Obzirom da nije više bilo prijedloga i stavova u vezi Nacrta Odluke o izmjeni i dopuni Statuta Općine Maglaj, nadležne općinske službe su sagledale pristigle prijedloge, mišljenja i stavove te

na osnovu navedenog izradile i Prijedlog Odluke o izmjeni i dopuni Statuta Općine Maglaj te ga u dostavlja Općinskom vijeću na razmatranje i usvajanje.

### III. Finansijska sredstva

Za realizaciju ove odluke planirana su sredstva u Budžetu Općine Maglaj za 2024.godinu

Obrađivač:

Služba za boračko-invalidsku i socijalnu zaštitu

Opću upravu i društvene djelatnosti

PREDLAGAČ:  
OPĆINSKI NAČELNIK  
Mirsad Mahmutagić



